



Na temelju Zakona o računovodstvu i reviziji BiH (Službeni glasnik BiH br. 42/04) članka 8. stav 1. i Statuta Komisije za računovodstvo i reviziju BiH (usaglašeni prečišćeni tekst od 10.03.2006.g.), Komisija za računovodstvo i reviziju BiH na sjednici održanoj dana, 26.10.2011.g. donosi

P R A V I L N I K

o načinu nostrifikacije zvanja u računovodstvenoj i revizorskoj profesiji izdatih od strane profesionalnih tijela članica IFAC-a koja potiču iz država s kojima BiH nema potpisan sporazum o međusobnom priznavanju profesionalno-stručnih zvanja.

Članak 1.

Osobe koje su stekle profesionalna-stručna zvanja iz oblasti računovodstva i revizije u drugim državama, od strane profesionalnih tijela članica IFAC-a, koje žele stečena zvanja nostrificirati u BiH, dužna su podnijeti Zahtjev za nostrifikaciju Komisiji za računovodstvo i reviziju BiH, zajedno s programom po temelju kojeg je ovlašteno profesionalno tijelo član IFAC-a izdalo certifikat.

Članak 2.

Radna grupa za stjecanje zvanja i edukaciju, će po primljenom zahtjevu, analizirati dostavljeni program te izvršiti uporedbu s Programom za stjecanje zvanja u BiH, te po osnovu iste donijeti odluku o njihovoj usklađenosti i potrebi polaganja razlike predmeta.

Članak 3.

Ukoliko kandidat ima za obvezu polaganje predmeta iz oblasti legislative i profesionalne regulative, iste će polagati u terminima koje odrede Savez računovođa, revizora i finansijskih djelatnika FBiH i Savez računovođa i revizora RS, i u skladu s Odlukom Komisije o organiziranju ispitnih rokova. Ostale predmete kandidati će polagati u zasebnim terminima koje odredi Komisija.

Članak 4.

Obvezuju se entitetski Savezi da svoja akta usklade sa ovim Pravilnikom.

Broj:114/11
U Sarajevu 07.11.2011.

Predsjedavajući

Komisije za računovodstvo i reviziju BiH

Marin Ivanišević

Dostavljeno:
-entitetskim Savezima,
-a/a.